



Igalelo

Juni 2008

Official Newsletter of the KwaZulu-Natal Department of Transport



Isabelomali esenza ngcono izimpilo zabantu

Sizibophezele ekutheni ikusasa lezimpilo zabantu baKwaZulu-Natali libe ngcono kunangayizolo - Cele (Ikhasi 2)



UNdosi uthole ukunconya ngokuphuthuma inkinga yaseWeenen
Ikhasi 4



Ukusebenzisa umakhal' ekhukhwini ushayela kuyicala
Ikhasi 7



Uhlelo i-Take a girl child to work lube yimpumelelo
Ikhasi 8



Ungqongqoshe uhambele izinkonzo zePhasika
Ikhasi 8

LALELA IZINHLELO ZETHU KWEZOKUTHUTHA EMISAKAZWENI

Lalela iDepartment's show
kwi Gagasi 99.5 fm



Thursday
6-7 pm

Ukhozi FM's Transport Ibandla
Tuesdays 8-9 pm



To phone in call
089 310 9193

**Uma ushayela
uphuzile
uyisiduphunga
esiphindiwe**

Isabelomali esenza ngcono izimpilo zabantu

Sizibophezele ekushintsheni ikusasa lezimpilo zabantu baKwaZulu-Natali lingafani nangayizolo - Cele



Ngaphambi kokwethula isabelo mali sika-2008/09 esishayamthetho, uNggongqoshe wezokuThutha, ukuPhepha nokuXhumanisa uMphakathi uBeki Cele uqale ngokuhola imashi yokuqwashisa ngokuphepha emgwaqeni nokulwa nobugebengu. Le mashi iphethe ngokuthi kukhanyiswe amakhandela njengoba ebobakala esithombeni uCele nezikhulu zoMnyango

Ungqongqoshe wezokuThutha, ukuPhepha nokuXhumanisa uMphakathi uBeki Cele usenikele isabelo mali soMnyango wakhe sika-2008/09 esingu-R3, 755 billion emkhankasweni u-Operation Kushunquthuli nezokuphepha emgwaqeni.

Ethula lesi sabelo mali esishayamthetho sesifundazwe muva nje, uCele uthe: "Njengoba sigubha iminyaka eyishumi ka-Asiphephe, lesi sabelo mali sisipondise kwezokuphepha emgwaqeniyethu. Siyazibophezelu ekutheni ukufa koyedwa ngukufa kwabanningi. Siyazibophezelu ekutheni sizokwenza okusemandleni ukwehlisa izinga lokufa kwabantu emgwaqeni yethu."

Uphinde wanxusa izinhlaka zomphakathi ezisebenzisana noMnyango njengama-Community Road Safety Council (CRSC), ama-Rural Road Transport Forums (RRTF), ososeshini babagibeli nomphakathi wonkana ukuthi zibambisan noMnyango emikhankasweni yezokuphepha emgwaqeni nokuthi abantu kumele

benze okufanele.

Ngokusho kukaNggongqoshe, uMnyango uhlose ukuthi ngonyaka wezimali ka-2008/09 kuqinisiswa ezokuphepha emgwaqeni ngokubhekela ezobunjiniyela.

"Njengamanje uMnyango usunohlelo Iwezokuphepha amahoraangu-24ngosuku, izinsuku ezingu-7 neviki nezinsuku ezingu-365 ngonyaka olufundisa ngezokuphepha emgwaqeni lapho kubhekwa izindawo eziyinkinga kakhulu ngezingozi.

"Loluhlelo luzohamba ibanga elide ekukhuthazeni ezokuphepha emgwaqeni nokusebenzisana nababambe iqhaza ezinhlelwani zokugcinwa komthetho. Lolu hlelo luholose ukwehlisa ukulimala kwabantu lube lukhuthaza ukuphila impilo ekahe. Sikhola ngukuthi umgwaqo ohlelwae kahle, onazo zonke izindlela zokubhekela ukuphepha uba nesandla ekwehliseni ukufa kwabasebenzisana bomgwaqo, kuhlanganisaabahamba ngezinyawo nabashayeli," kusho uCele.

Ngokuhambisananomkhankaso ka-Operation kuShunquthuli, uMnyango usuthole ukuthi kunesidiso sokuthi kwensiwe izindlelazokubhekana nokwenyuka

kwesibalo sezimoto emgwaqeni njengoba nabantu beqhubeka nokusebenzisa imigwaqo emisha eyakhwayo selokhu kwathatha uhulumeni wentando yeningi.



UNggongqoshe uCele ubonakala namavolontiya ohlelo lokulwa nobugebengu. Bathathwe ngaphambi kokwethulwa kwesabelo mali esishayamthetho sesifundazwe

Ngenxa yalokhu sekwenyuswe isibalo samaphoyisa aqeqeshwayo, iningi lawo okuba ngabesifazane ukubhekela ukulinganangokubulili. Upiko lwe-Public Transport Enforcement Unit (PTEU) nalo luzokwenyuswa ngamaphoyisa

ayikhulu kule minyaka emibili ezayo ukute abhekane nokugcinwa komthetho emkhakheni wezithuthi zomphakathi.

**Uqequesho
kwezokuthutha
umphakathi**

UCele uphinde waveza

ukuthi kunesamba sika-R79, 037 million esabelwe ezokuthuthwa komphakathi nempahla. Babalewa ku-70% abantu baseNingizimu Afrika abasebenzisa izithuthi zomphakathi. Yingakho uMnyango uzoqalisa ngohlelo lokuqequesha abashayeli nabanikazi bamatekisi namabhasi.

Isikhungo sokuqequesha sizogxila ekupathweni kwebhizinisi nokucija abashayeli ngamakhono ukuze kubhekewi izinselelo zokuphepha nokuphatha ibhizinisi lezithuthi zomphakathi. Lolu hlelo Iwesekelwa nanguNgqongqoshe wezeMfundu KwaZulu-Natal. Sikhuluma nje amakolishi eFET azolekelela ekuqequeseni.

Zibonakale zinika ithembu izibalo ngamaholide kaDisemba odlule. Ngala maholide, iKwaZulu-Natal kuphela yehlise ngo-42% ukufa kwabantu emigwaqeni yaseNingizimu Afrika yonke. Ezinye izifundazwe ezingu-8 zabelane ngamanye amaphesenti. Lokhu kube yisifundo eMnyangweni ukuthi uqinise iqhaza lamanxusa ezokuphepha emgwaqeni, okuhlanganisa osaziwayo bemisakazo nomabonakude, abadlali bebhola nabaholi bezenkolo.

Phezu kwalokho, iqhaza lemikhankaso edidiyeleye eyenziwa ezindaweni ezithile njengamativeni, izinkundla zemidlalo nama-festival phakathi kwezinye, libonakale lisebenza kakhulu.

"Sesibonile ukuthi abantu balalela kangono uma umyalezo udluliswa ngabantu ababathandayo, abefundisi nosaziwayo. Izinhlaka zokugcinwa komthetho nazo zibambe elikhulu iqhaza," kuphawula uCele.

Imikhankaso nezinhlelo njengo-Omela Ekhaya, ukuba nomshayeli ongaphuzi, ukweliswa kwezingane zesikole ukulekelela abafundi baka-Grade 11 no-12 ukuthola izincwadi zokushayela, imiyalezo emisakazweni nasemabhodini amakhulu, konke kubonakala kuwenza umehluko ekulweni nezingozi zomgwaqo.

**Imali engu-R1. 6 billion
yabelwe ukwakhwa
kwemigwaqo, ezomgwaqo
zona zabelwa u-R436 649
million, u-R1.2 billion wabelwa
ukugcinwa kwemigwaqo
isesimweni kanti uR29 billion
wabelwe ukuthuthukiswa
kwengqalasizinda.**

UCele uqinisekisa umphakathi waseMsinga ngohlelo olwethembekile Iwezokuthutha



Nakhoke madoda! Ungathi usho kanje uCele ngenkathi ephendula isoyi ngobambisana nabaholi bendawo eMsinga

Imiphakathi yaseMsinga nakuMasipala wesiFunda saseMzinyathi wonkana, usalokhu uqhubeke nokuhlola ngaphansi kohlelo lokuthuthukiswa kwemigwaqa yasemakhaya.

Muva nje, le miphakathi ayizange ikukholwe okwenzekayo ngenkathi uNgqongqoshe waKwaZulu-Natal wezokuThutha, ezokuPhepha nokuXhumanisa uMphakathi uMnuz Bheki Cele esingatha umcimbi wokuhlatshwa kwesoyi lokwakhiwa kwemigwaqa uMain Road 32 noZonyama Road.

Uhlelo lwalo msebenzi oluzodla u-R7 million kulindeleke ukuthi lube selupothuliwe ngoSepthembra 2008 kanti luhlanganisa umgwaqa ongamakhilomitha ayisikhombisa. Uhlelo lokwakhiwa kweZonyama Road olulinganiselwa ku-R18 million lona luzoba ngamakhilomitha angu-14.

U M n y a n g o wezokuThuthaKwaZulu-Natal ubeke eceleni isamba sika-R97.7

million onyakeni wezimali ka-2007/2008 wokuhambisela izidingo umphakathi wasesiFundeni saseMzinyathi kanti kubekwe isamba sika-R120million onyakeni wezimali ka-2008/2009.

Ekhulumna nomphakathi kulo mcimbi wokuphendulwa kwesoyi uNgqongqoshe uCele utha: "Sifake izimali ohlelweni lokunakekelwa kwemigwaqa, ukwakhiwa kwemisha, nasezinhllelweni eziyisipesheli zokulwa nobuphofu nokuhlomulisa imiphakathi yakulesi sifunda; Izinhlelo eziyisipesheli zomphakathi zihlanganisa ukwakhiwa kwebhuloho iDicksy Bridge, ukwakhiwa kwemigwaqa iSphongweni Road, iNxamalala Road, iNyonini Road, Ezingulubeni Road, Malane Bridge, P549 Road neNhlesi Road eminye ezofakelwa uhlwayi lwamatshe."

Lezi zinhlelo zizohlanganisa phakathi kokunye imigwaqwana engenelela emakhaya ezakhamizi, izindawo eziphephile zabahamba ngezinyawo ikakhulukazi izingane zesikole, amathuba ezomnotho

emphakathini, amathuba okuthuthukiswa komphakathi kwezolimo, imigwaqo ezosiza izakhamizi ukuthi zifinyelele kalula ezikhungweni zohwebo, ukuqedwa kwebhuqu elifaka ebucayini izimpilo zabantu libuye lingcolise umoya nokuqinisa kohlelo lokufakwa kobuchwepheshe bamakhompyutha ezikoleni zendawo.

"UMnyango wami sewuqalile ukusiza oMasipala ekuhlelweni kokwakhiwa kwengqalasizinda yemigwaqo. Sinxuswe ngabanye omasipala ukuthi sibanakekelele imigwaqo yabo, kodwa sathola ukuthi imizamo yokuyinakekela izofana nokuyakha kabusha ngenxa yokungakheki kwayo ngendlela. Njengamanje sithi asisezobhekelela ukunakekelwa kwemigwaqo engakhiwanga ngokuxhumana noMnyango wezokuThutha.

"Ngifisa ukukugcizelela ukuthi uMnyango wezokuThutha unesibophezelo esikuMthethosisekelo wezwe sokuqinisekisa ukuthi abantu banohlelo olwethembekile noluphephile lwezokuthutha. Kumele siqinise uhlelo lwemikhankaso yezokuphepha emigwaqweni kuzozonke izindawo esihlala kuzo ukuze sakhe imigwaqo ukuze kuthuthukiswe abantu, hhayi ukuthi bafe kuyo," kusho uCele. UMnyango unesibopho ngokoMthethosisekelo wezwe sokuqinisekisa ukuthi abantu banohlelo olwethembekile noluphephile lwezokuthutha. Kumele siqinise uhlelo lwemikhankaso yezokuphepha emigwaqweni kuzozonke izindawo esihlala kuzo ukuze sakhe imigwaqo ukuze kuthuthukiswe abantu, hhayi bafe kuyo."

UCele uphendula izikhalo zomphakathi eBaqulusini

Ngenya ka-October 2007 a m a l u n g u esishayamthetho saKwaZulu-Natal ahambale eBaqulusini lapho umphakathi waseBhekuZulu unxuse uMnyango ukuba ulekelele uMasipala waBaqulusi ngaphansi kwesiFunda saseZululand ekwakhiwi kwebhuloho eBhekuZulu endleleni enqamula umfula.

Indawo ekhona yokuwela emfuleni KwaBhanya ijwayele ukumbozwu ngamanzi uma kunezimvula ezinkulu bese kuphazamiseka ukuhamba komphakathi. Sekuke kwaba nezigameko lapho amalungu omphakathi eminze ngenkathi ezama ukuwela ngenkathi kunezimvula ezinkulu. Kodwa lokho sekuzokuba



Amanye amalungu omphakathi waseBhekuZulu eBaqulusini athathwe ewela umfula osekuzokwakhiwa kuwona ibhulohlo

ngumlando manje njengoba uNgqongqoshe wezokuThutha, ukuPhepha nokuXhumanisa uMphakathi uBheki Cele esephendulile kulokho kuhkala

komphakathi.

Ibhulohlo lomfula KwaBhanya lizokwakhiwa ngesamba sika-R7 million esikhathini esiyizinyanga eziyishumi nambili. Leli

'Sivikela ababuthaka'

EZOKUPHEPHA EMGWAQWENI

UKUVIKELEKA KOMPHAKATHI



Ukuzbophezelu kukahulumeni ekulweni nezenzo zokucwasa abokufika kuleli kubonakale kuqina naKwaZulu-Natal njengoba uNgqongqoshe wezokuThutha, ukuPhepha nokuXhumanisa uMphakathi uBheki Cele ehole imashi yokulwisana nalezi zenzo eThekwini muva nje.



UNgqongqoshe uBheki Cele uthole umklomelo wokuhlonipha ngeqhaza lakhe kwezokuphepha komphakathi. Lapha bekusemcimbini wokuhlonipha abasebenze kahle emaphoyiseni KwaZulu-Natal.

bhulohlo lizosiza umphakathi waseBhekuZulu osube nenkinga isikhathi eside yokuwela umfula uma kunezimvula.

Uma sekwakhiwa, kuzoqinisekisa ukusabalalisa amakhonokosonkontilekaabancane ngokubanikaimisebenzi yokwakha. Osonkontileka bazozithenga kabantu bendawo izimpahlha zokwakha. Usonkontileka ophethe umsebenzi kuzodingeka ezenohlelo lokueqesha nokuthuthukisa amakhono.

Kuzovela amathuba abalelwu ku-20 abasebenzi abangenamakhono, ukuqashwa kwabo okuzohamba ngokohlelo lokulingana ngokobulili. Kuzophinda kube namathuba amahlau abasebenzi abanamakhono. Uhlelo lokwakha lonke luoqinisekisa ukuthuthukiswa kwamakhono

kabantu bendawo.

Ekhulumna emcimbini wokuphendula isoyi muva nje, uNgqongqoshe wezokuThutha, ukuPhepha nokuXhumanisa uMphakathi uBheki Cele utha uMnyango unesibopho ngokomthetho sokuthi ubhekele isimo sezokuthutha esifundazweni. Lokhu kuhlanganisa, phakathi kokunye, ukwakha, ukulungisa, ukugcina esimweni nokulawula imigwaqo yesifundazwe

"Phela akuqali ukuthi kube nohulumeni emlandweni weNingizimu Afrika neKwaZulu-Natal ikakhulukazi. Kodwa abantu bakithi baqala manje ukubona uguquko ezimpilweni zabo olulethwa yizinhlelo zikahulumeni wethu wentando yeningi," kuphetha uCele.

UNdosi uthole ukunconywa ngokuphuthuma inkinga yaseWeenen



Yiwona lo mfula obe ngundabamonyeni kwabezindaba kuthiwa izingane ziwela ngamashubhu kanti sekube nezigameko zokuminza kwabantu bezama ukuwela. UMyango wezokuThutha usuzokwakha ibhuloho lapha

UNgqongqoshewezo-kuThutha, ezoku-Phepha nokuXhumanisa uMphakathi KwaZulu-Natal, uMnuz Bheki Cele uqophe umlando ekubhekelelweni kwemiphakathi yasemakhaya esifundazweni saKwaZulu-Na-

tal.

Muva nje kube nomcimbi wokuphendulwa kwesoyi phezu komfula uThukela lapho kuzokwakhiwa khona ibhuloho endaweni yaseSahlumbe eWeenen nokungelinye lamagxathu abalulekile okunika ithembu imiphakathi entula kakhulu kulesi

sifundazwe.

Isidingo sokwakhiwa kwaleli bhulohu sazwakaliswa yiziphathimandla zendawo kanjalo nakwabezindaba, ngenkathi bebika ngabafundi bendawo abasebenzisa amashubhu amathayi afuthiwe ukuwela umfula uThukela uma lugewe.

Leli bhulohu elizoba ngamamitha angu-160 lizokwakhiwa ngesamba semali esilinganisela ku-R22million. Kuzobuye kusetshenziswe omunye u-R2million kwezinye izinhlelo zomzila oqonde kuleli bhulohu nokusho ukuthi seyiyonke imali ezosetshenziswa ekwakhiwi kwalo izoba ngu-R24million.

Yize kungakabikhona mutu osadliwe yizingwenya ewela kulo mfula, izakhamizi zendawo zithi kunokubonakala kwezingwenya kuwona. Njengamanje, uma kungukuthi lo mfula ugcwele kakhulu kule ndawo, abafundi abanayo enye indlela yokuwuvela kangangokuthi abanye baze basebenzise indlela engaphephile yokuwela ngamashubhu amathayi afuthiwe.

Abantu abalinganisela ku-200 bayaphoqepleka kuthi bawele kulo mfula kanti kusuka ngonyaka ka-2000 bayisikhombisa abantu abaminza bezama ukuwela kulo mfula.

Ibhuloho elizokwakhiwa lizosiza abafundi baseSahlumbe High School nabantu abafuna ukuya emtholampilo waseSahlumbe ukuthi bawele kalula. Abantu abahlala ngasenyakatho yalo mfulo bazokwazi ukuthi bafinylele kalula ezintweni zokuthutha umphakathi.

Njengalokhu kulawula

inqu bomgomgo kahulumeni, olunye lwezinhlelo ezbialulekile zohlelo lokwakhiwa kwaleli bhulohu ngukuthi izindleko zokwakhiwa kwalo zihlomulise kwezomnotho imiphakathi ezolisebenzisa. Lokhu kusho ukuthi izinkontileka ezizonikwa umsebenzi, zizophoqeleka ukuthi zithenge zonke izinto zokwakhiwa kwalo ezinkampanini zendawo zibuye ziqashe bonke ochwepheshe nabasebenzi kubantu abaqhamuka emphakathini walapha.

"La mabhulohu abahamba ngezinyawo adingeka kakhulu ekusizeni izingane zesikole izimpilo zazo ezifakeka engozini uma kugcwele imifula, ekubeni zibe ziphoqelekile ukuthi ziye ezikoleni ngezikathathi zasehlobo kudlange nezimvula.

"Onyakeni wezimali ka-2006/7, sakhe amabhulohu abahamba ngezinyawo angu-14 nabize isamba semali esingu-R38 million; amabhulohu abahamba ngezinyawo angu-10 onyakeni wezimali ka-

2007/8 nabize u-R40 million kanti kulo nyaka wezimali ka-2008/9 sizokwakha amabhulohu abahamba ngezinyawo angu-13 azobiza u-R48 million kulesi sifundazwe," kusho uCele emphakathini waseSahlumbe.

UCele wakhela izakhamizi zasemapulazini imigwaqo

UMNYANGO wezokuThuthawaKwaZulu-Natal usemkankasweni wokubonisai izakhamizi zakulesi sifundazwe ukuthi zingakwazi ukuba nemigwaqo yokuya noma yikuphi lapho zifisa khona. Izakhamizi zaseLowsberg zingofakazi balokhu njengoba kusanda kuhlatshwa isoyi lokwakhiwa komgwaqo endaweni yaseMbhudula.

Umcimbi wokuhlatshwa kwesoyi ulandela izikhalo ezenziwa ngumphakathi wakule ndawo zokuthi wakhelwe umgwaqo.

Ekhulumna nomphakathi owawutheleke ngobuningi bawo kulo mcimbi, uNgqongqoshe wezokuThutha, ukuPhepha nokuXhumanisa uMphakathi uMnuz Bheki Cele, uhalaiselie umphakathi wakule ndawo ngokunqoba kwabo ezifisweni zavo.

"Sekuphele iminyaka ningenawo umgwaqo onixhumanisa nomgwaqo omkhulu, kodwa umzabalazo wenu sewuthela izithelo, njengohulumeni sesizosusa zonke izithiyo ezesendleleni yenu. Ngokomthetho

umgwaqo ozokwakhiwa bewuzoba yikhilomitha elilodwa, kodwa ngenxa yokuthi umlimi ongumnini wepulazi okuzonqamula kulo umgwaqo akafuni ukuthi kunqamule umgwaqo epulazini lakhe, siphqeleke ukuthi sandise izindleko zokwakhiwa komgwaqo kunwetshwe nebanga lalomgwaqo ozokwakhiwa," kusho uCele.

Umgwaqo u-D597, ongumgwaqo oyibhuqu ongamakhilomitha angu-11.5 kanjalo nebulohu elingamamitha angu-90 ngaphezu komfula uMkuze, kulinganisela ukuthi kungabiza u-R14million. Ukwengeza kulokhu, uMnyango uzobuye wakhe umgwaqo oya ezikhungweni zezemfundo nezemfundo.

Kunohlelo lokwakhiwa komgwaqo ongamakhilomitha amane oya esikhungweni sezemfundo okungumtholampilo oseMakhwela kanjalo nezinye izikhungo zezemfundo nezemfundo ezisezindaweni ezingomakhelwane.

Umpakathia kaa t hi waseMbuda uhlala epulazini elingamakhilomitha angu-20 uma uya ngaseningizimu yedolobha

laseLouwsberg. Imiphakathi yakule ndawo ingakwazi kuphela ukufinyelela emgwaqweni omkhulu uma inqamula emgwaqweni oncikene namapulazi. Ukunqamula kule migwaqo akwenzeki ngenxa yokuthi abalimi bafake imigoqo evimba emingceleni enqamula ezindaweni zabo.

Imiphakathi yendawo kulindeleke ukuthi ihlomule ngamathuba emisebenzi njengoba kuyiyo ezonikwa amathuba okuhlomula kuqala emisebenzini ezokwakheka. Kunqunye ukuthi kusetshenziswe uhlelo oluzodinga ukusebenza kwabantu kakhulu ekwakhiwi kalo mgwaqo, nokusho ukuthi akuzodingeka imishini yokuxova ukhonkoloko kowda lokho kuzokwensiwa ngabantu abaqhamuka ezinkontilekeni ezifufusayo ngaphansi kweVukuzakhe ikakhulukazi ezigabeni kusuka kwasokuqala kuya kwesesine. Iningi losozinkontileka beZibambele bazoqashwa ngokugcwele ukubhekelela uhlelo lokunakekelwa kwemigwaqo ezindaweni zasemakhaya.



Akawahlabi uyawaqequebulu uCele amasoyi njengoba nalapha ebonakala ehlaba elaseNgoje lapho kuzokwakhiwa khona uMgwaqo. UCele uthi uMnyango wakhe awulali endleleni njengoba uqinisekisa ukuthi uyabuya usuzovula ngokomthetho leyo misesbenzi okusuke kuphendulwe khona isoyi. Lokhu kuphikisana nezinkulumo zabantu abanomona zokuthi uhlaba amasoyi nje angabe esawenza umsebenzi

Abaholi bakaHulumeni bavakashela izikhungo ze-EPWP e-KZN



IMeya yoMsunduzi uNks Zanele Hlatshwayo noNgqongqoshe uBheki Cele babungaza omunye wabahlomule ohlelweni lukaSiyazenzela. Ngezansi kwesokunxele: IMeya noNgqongqoshe balekelela omunye wabahlomule kuSiyazenzela ngenkathi etatamisa umgqomo kadoti ewubeka esikalini

UNEMINYAKA engu-32 kanti unenkontileka yokubamba iqhaza ohlelweni lokulwa nobuphofu lweSiyazenzela lokuthuthwa kwemfucuza olwasungulwa nguNgqongqoshe waKwaZulu-Natal wezokuThutha, ezokuPhepha nokuXhumanisa umphakathi uMnuz Bheki Cele.

UNCamsile Ntuli waseMgungundlovu ungomyne wentsha nabantu abadala abathokozile ngokuba yingxene yalolu hlelo olubenza ukuthi bakwazi ukondla iminden yabo.

Ngenxa yokubakhona kwalolu hlelo, useyakwazi ngisho nokukhokha imali yesikole yengane yakhe eniminyaka eyishumi, kanti futhi uyakwazi nokuyithengela inyufomu yesikole ku-R200 oyisibonelelo asitholayo ngenyanga.

Uhlelo lweSiyazenzela Programme luthathelwe ohlelweni lwase-Brazil, "lwemfucuza engeyona imfucuza", lapho iminden ehlwempu ishintshanisa



INhloko yoMnyango uChris Hlabisa ubebeka amazwi phambi kwezithameli ngenkathi uNgqongqoshe wezeMisebenzi yoMphakathi uThoko Didiza, obonakala esithombeni, onabanye oNgqongqoshe bebakahulumeni behambela imisebenzi ye-EPWP esifundazweni

abantu bakithi kuwowonke 25." zabantu amakhona esifundazwe saKwaZulu-Natal. Inhloso yethu ngukubona lolu hlelo luya kubobonke omasipala bakulesi sifundazwe. Lokhu kuyingxenyenq ukuqinisa uhlelo Iwethu lokulwa nobuphofu," kusho uCele.

"Bonke ababamba iqhaza kulelo hlelo basayinda isivumelwano nyangazonke senkontileka ezodonsa unyaka wonke. Okwamanje ingu-50 iminden esiqale ukuhlomula ngaphansi kwalolu hlelo. Kulaba abahlomulao kunabesifazane abangu-37, abesilisa angu-13 nentsha engu-


OyiMeya yoMsunduzi Municipality uNkk Zanele Hlatshwayo ubekhona ekwethulweni kwalolu hlelo, kanti ugcizelele ukuthi izakhamizi zaseJika Joe bezilokhu zinezikhalo ngokuba sezingeni eliphansi kohlelo lokuthuthwa kwemfucuza nobekuholela ekutheni imizi eminingi igcwale amagundane namaphela.

"Ngokuhlomula kwalowo nalovo obambe iqhaza kulolu hlelo, kule nkontileka yezinyanga eziyishumi nambili, sethemba ukuthi lokhu kuzokhula ukuze

kukwazi ukuthi kuqedwe ubuphofu emiphakathini," kusho uMeya.

UCele uthe: "Abantu abanangi bacabangu ukuthi ubuphofu buhlasela emazweni angaphandle kwakuleli nokuthi abubahlaseli abantu basezindaweni zasemadolbeni. Umnotho wethu kungenzeka ukuthi uyakhula, kodwa kunabantu abasahlupheka. Kudingeka ukuthi siqhubeke nokwenza izinhlelo ezifana neZibambele neSiyazenzela ezondla abantu abanangi. Uhlelo lweZibambele londla iminden engapezu kuka-40 000.

**Vumelani abampofu beze kithi,
nathi size kubo ngokuba le
BUDGET ingeyabo**



UMnyango uhlanganise amakhanda noZibambele



Lapha omama bakaZibambele babonakala benza okuhlukile kurnalokho uNgqongqoshe uBeki Cele abuye ezwe ngakho okuthiwa seeba 'ngoZilalele' esikhundleni sokuba ngoZibambele ngenxa yokuvilapha bazilalele emsebenzini. UCele uthembise ukuthi uzokubhekisiza ukusebenza koZibambele ngoba kuyacaca ukuthi kukhona abazenzela umathanda kuLanganisa nezisebenzi zoMnyango imbala.

yokubekwa kwabantu phambili iBatho Pele nohlelo lokuphatha olunciwe kubantu. Ekhulumu eqondise kubasebenzi boMnyango nakumalungu

osonkontileka beZibambele, uNgqongqoshe wezokuThutha, ezokuPhepha nokuXhumanisa uMphakathi KwaZulu-Natal uMnuz Bheki Cele, uthu uMnyango sewenze izinguquko kwinqubo yeZibambele ukuze kuqinisekiswe ukuthi ihambisana nemigomo ebekwe yisiShayamthetho.

"Inhloso yalo mbuthano ngukuqinisekisa ukuthi kunokuhambisana futhi kwenzeka ngokuyiko ezinhlelweni zeZibambele zokunakekelwa kwemigwaqo esifundazweni saKwaZulu-Natal sonkana," kusho uCele.

UCele ubuye wakhwela wadilika kwabanye abasebenzi boMnyango athe bayavilapha

ukwenza umsebenzi abaholelwayo ngawo.

"Ngasosonke isikhathi nighlale ngithola izingcingo kosonkontileka beZibambele abangakhokhelwa noma abakhalaza ngokuthi abanikwa amathuluzi ane okwenza umsebenzi. Kumele kuphele lokhu," kwexwayisa uNdosi.

Uthe kunezinhlelo zoMnyango zokukhculula inkohlakalo kubasebenzi boMnyango nokuqedu ukugxambukela kwepolitiki kwezinye izifunda uma kuqashwa osonkontileka beZibambele, wathi uhlelo olusemhethweni lokuqashwa kosonkontileka, wukubheka izinga lobuphofu kwabaqashwayo.

INhloko yoMnyango uMnuz Chris Hlabisa, uthu ezinye izinguquko eseikhona enqubweni yeZibambele, ngukuthi uMnyango uhlela izinhlelo zokuqeqeshwa kosonkontileka. Lokhu kuqeqeshwa kuzohlanganisa ukucaciswa komsebenzi wabo njengoba beseqhulwini lamaqhinga ohlelolokunakekelwakwemigwaqo nokulwa nesifo seNgulazi.

UMnyango wezokuThutha KwaZulu-Natal ube nombuthano wokubonisan a ngohlelo lukaZibambele esifundazweni oludonse izinsuku ezimbili eVryheid muva nje; Lo mbuthano uhambisana nohlelo lwemigomo kahulumeni

Kumele kusinwe kudedelwane ezinhlelweni zentuthuko – Cele

UMnyango wezokuThutha KwaZulu-Natal usanda kubiza imbizo kaVukuzakhe ebise-Alpine Heath eDrakensburg muva nje. Inhloso yalomhlanganobekuwukuqhamuka namasu angasiza osonkontileka ukuthi baphume ohlelweni kodwa bakwazi ukuthuthuka kulo mkhakha.

Phakathi kwezinselelo ezbibekene nosonkontileka bakaVukuzakhe kuvele lokhu okulandelayo: ukuntuleka kwezinsiza zokulekeleta ososeshini ukuthi basebenze ngendlela; ukungavuleleki kohlelo lwamathenda; imboni yezokwakha ayibasekeli ababencishwe amathuba phambilini; ukungaveli ngokwanele kwamathuba eMnyangweni emisebenzi



Bekubuye kube namancoko njengoba bebonakala bemamatheka abebelalele uNgqongqoshe uBeki Cele embizweni kaVukuzakhe.

nobunzima bokuthola usizo Iwezimali. Umhlangano uqhamuke namasu okuthi izimenenja zibhekane nezinselelo ungakapheli

uSeptember 2008. Njengendlela eya phambili, kumele ososeshini bakaVukuzakhe baveze izidingo zokuqeqeshwa eMnyangweni. UMnyango uzobe usubheka lezo

zidingo bese uthola abazoletha lolo qeqesho.

Kubuye kwavela nokuthi umsebenzi owenziwa osonkontileka baka-Stage 1 kumele ucaciswe futhi ukhangiswe ngokwawo esikhundleni sokuthi basebenze ngaphansi kosonkontileka abakhulu. Lokhu kuzogwema ukungakhokheleki kahle. Imininingwane yethenda kumele itholakale eCost Centre eseduze ukuze itholakale kalula kosonkontileka.

Isikhathi esithathwa ithenda ukuthi inikwe umuntu kumele sisuke emasontweni angu-12 siye kwangu-8.

*Khona manjalo, uNgqongqoshe wezokuThutha, ukuPhepha nokuXhumanisa uMphakathi uBeki Cele ugcizelele kakhulu ohlelweni lukaVukuzakhe enkulumweni yesabelo mali

ayethule ephalamende muva nje. Uthe iqhaza losonkontileka abasafufusa ngokuhambisana ne-Broad Based Black Economic Empowerment liyaqhubea nokuba phambili ezinhlelweni zoMnyango wezokuThutha.

"Lolu hlelo selwakhe amathuba emisebenzi angu-245 000 ngezinyanga ezintathu kuya kwezine. Isabelo mali salolu hlelo njengamanje simi ku-R2,616, 95 billion. Lokhu kuLanganisa ukuqapha umsebenzi, ukuqeqesha nokukhkhela izimpahla.

"Kulindeleke ukuthi kube nokusebensana nezinkampani ezinkulu ezizimisele. Sikubheke ngabomvu lokubambisana ngenhloso yokuqinisekisa ukuthi ekugcineni osonkontileka babamba iqhaza ngokugcwele emnothweni waleli lizwe nasemhlaben," kusho uCele.

UCele uletha impilo entsha emphakathini wasoLundi



Ilungu le-RRTF yasoLundi uThembi Masondo nekhansela lasoLundi uMakhosini Msibi balekelela uNgqongqoshe uBheki Cele kuphendulwa isoyi lebhulohlo lomfula iNtethe

Um p h a k a t h i w a s o L u n d i e s i g c e m e n i s a k w a - D a w u k h o l w a n g a u k u t h i n g e m p e l a u s i z i l o k u w e l a u m f u l a I n t e t h e s e k u z o k u b a y i n t o y a y i z o l o m a d u z e n j e . L o k h u k u l a n d e l a u k u p h e n d u l w a k w e s o y i l o k w a k h i w a k w e b h u l o h o l o k u w e l a u m f u l a o k u s a n d a k w e n z i w a n g u N g q o n g q o s h e w e z o k u T h u t h a , u k u P h e p h a n o k u X h u m a n i s a u M p h a k a t h i K w a Z u l u - N a t a l u B h e k i C e l e .

Leli bhulohlo lacelwa yikhansela lendawo egameni lomphakathi owawufuna ibhulohlo lokuwela ngezinyawo. Kodwa uCele ufike kule ndawo wafaka enye imali ukuze kwakhiwe ibhulohlo lokuwela abahamba ngezinyawo nezimoto.

Ekhuluma nezinkulungwane zabantu abebehambele umcimbi, uCele ute uMnyango wezokuThutha uhiale uzimisele ngokulekelela omasipala ngamakhono abangenawo uma behlela ingqalasizinda yomgwao. Siyabalekelela omasipala ngaphandle kokubheka iqembu lepolitiki elihola lowo masipala.

"Njengomgom kahulumeni wethu, okunye okubalulekile ekwakhweni kwaleli bhulohlo ngukuthi kuzokuba nenzuso kwezomnotho emiphakathini elakhelwe wona. Sisho ngoba osonkontileka abazosebenza kuzomele bathole zonke izinto zokwakha khona endaweni yasoLundi noma eMahlabathini futhi baqashe ochwepeshe, esithi ama-artisan nabasebenzi bakhona emiphakathini eseduzane.

"Leli bhulohlo lizosetshenziswa ngabantu abaningi abaya ezikhungweni zomphakathi ezhahlukene. Lokhu kuhlanganisa iS'khalelumuzi Primary School neNsikayendlu High School, isibhedlela nomtholampilo ongumahamba nedlwana, isiteshi samaphoyisa, izithuthi zomphakathi nezindawo zomlando ezigudle umgwao.

"Siyazi sonke ukuthi ngonyaka ka-2002 kwaminza abafundi ababili kulo mfula kwathi ngo-2007 kwaminza enye futhi ingane ngenkathi izama ukuwela umfula. Kunothisha waseSkhalelumuzi owahlaselwa wabulawa ezindongeni zomfula ngenkathi ewela. Leli bhulohlo lizosiza umphakathi ukuthi ungashoni phansi ezindongeni uma uwela umfula," kusho uCele.

Emkhankasweni wawo wokwakha amabhulohlo ezinyawo

esifundazweni, ngonyaka wezimali

ka-2006/07 kuphela uMnyango

wakhe amabhulohlo ezinyawo angu-

14 ngesamba sika-R32 million,

ngo-2007/08 wakha amabhulohlo

ayishumi ngesamba sika-R40

million kanti ngalo nyaka ka-

2008/09, uzokwakha amabhulohlo

ezinyawo angu-13 ngesamba sika-

R48 million esifundazweni sonke.

Khona manjalo, uNgqonqoshe uCele uyaqhubele nokuqinisekisa ukuthi izingane zesikole ezazincishwe amathuba phambilini zithola amakhono afanele ezikoleni zazo. Usenikele ngamakhompyutha ezikoleni eziningi esifundazweni.

Esakamuva ukuhlomula kube

iMahlabathini High ethole

amakhompyutha ayishumi.

Phezu kwalokho,

uNgqonqoshe uphinde

wazibophezelu ngokunika

umfundaze umfundi ka-Grade

12 uDesmond Sambo ofunda

eNsikayezwe High oLundi.

"Kukhona umfana engioxo

naye ngenkathi siya emfuleni,

ute ufuna ukwenza i-Civil

Engineering.

Ngizomnika umfundaze wokufunda noma

kusiphi isikhungo ezweni uma nje

ezokwenza i-Civil Engineering,"

kusho uCele.

"Ngithanda ukubonga kakhu

ubaba uCele ngalokhu, umama

ubethembise ukuthi uzokwenza

okusemandleni ukuthola imali

kodwa lokhu sekuyangikhulula,"

kusho uDesmond oqhamuka

emndenini wabantu abane.

Ukusebenzisa umakhalekhukhwini ushayela kuyicala



Iqembu i-African Solution laseMbumbulu linqobe emcintiswaneni womculo wezokuphepha emgwaqeni iHamb' uphephile Music Competition.

KU Y I S H W A ukuthi iningi labashayeli baseNingizimu Afrika alazi ukuthi usuke wephula umthetho uma ukhuluma kumakhalekhukhwini ushayela ubefuthi ungasebenzisi into yokukwazi ukukhuluma ungawuphethe ngesandla. Lokhu ngokunye kwezinto esizobizheka kabanzi kwisabelo-zimali sanonyaka." Lena yinndela uNgqonqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele azwakalise ngayo imizwa yakhe ngokuziphatha kwabashayeli emigwaqweni yaseNingizimu Afrika, ngenkathi ekhuluma emncintiswaneni womculo obumayelana nezokuphepha emgwaqweni obuseThekwini muva nje,

"Awukwazi ukucophelela emgwaqeni uma ingqondo yakhe ingekho kuwo ngokuphelele, Uma kwenzeka uthola izindaba ezethusayo usocingweni, maningi amathuba okuthi uhluleke ukushayela ngokucophelela nokungadala ingozi," usho kanje. UCele ute enye inkinga ngukuthi kunabantu abanenkani lapha ngaphandle. "Sikhuluma ngokuthi akumele umuntu ashayele ephuzile, kodwa bona bangena ezimotweni zabo namabhodlela otshwala bese beyashayela. Inkinga ngukuthi uma benza ingozi abafi bodwa, banchisa iminden yabo ithuba lokuba nabondli bese kusala iminden egcina seyiphethwe yizingane," usho kanje.

Inhlosongqangi yokusungulwa kwalo mncintiswaniko bekungukugcizelela ukuphepha kwabahamba ngezinyawo. Lo mncintiswaniko uzonika ithuba kubaculi abasafufusa ukuthi bazisungulele umculo wabo bebe befundisa umphakathi ngezokuphepha emgwaqweni. Lo mncintiswaniko uqale wabanja kuzozonke izifunda

zoMnyango wezokuThutha ezine kwazothi abawine khona bathola ithuba lokuncintisana ezingeni lesifundazwe. Lo mncintiswaniko ubalula ukuthi abaculi abasafufusa kumele baqiqambele bona ingoma ngezokuphepha bese begamba iculo eliodwa lezenkolo,

"Uhlelo lwethu Iwezokuphepha ngokusungula umncintiswaniko womculo luyingxenye yohlelo lwesifundazwe oselusabalele nesifundazwe sonkana. Uhlelo lwethu oluhlanganise amabandla Iwezokuphepha emgwaqweni, luyingxenye yohlelo loMnyango wezokuThutha wesifundazwe lokugqquqzela umphakathi ngokushumayela ivangeli

"Ukubambisana kwethu nabaculi akuzange kuhenduke izi futhi angeke kwathiba akubanga namiphumela. Abaculi ikakhulukazi babe nomnikelo omkhulu ekufafazeni ivangeli lezokuphepha emgwaqweni kule minyaka edlule. "Ngenxa yalokhu sisifa ukuzwakalisa ukukushayela ihlombe ukubambisana kwethu nabaculi abasafufusa nekomiti labemikhakha yezinkolo ezahlukahlukene. Siyazi ukuthi amaciko anokuxhumana nabantu abaqhamuka kumasiko ehlukahlukene, abaqhamuka emikhakheni ehlukene kwezopolitiki, abakhulumia izilimi ezelukene nabaqhamuka emiphakathini enhlobonhlobo,"



UMondisi Jikelele wesiFundazwe uDkt Kwazi Mbanjwa noNgqonqoshe wezokuThutha uBheki Cele bamukelisa ngomklomelo omunye weqembu i-African Solution emcimbini obuwenzelwe eThekwini muva nje

lezokuphepha ukuze kuncishiswe isibalo sabantu abafa ezingozini zomgwao esifundazweni sethu. "Imiyalezo yethu yezokuphepha emgwaqweni iyaqhubele nokuqinisekisa ezintsha nezisabalele ngenxa yokudlondlobala kwemikhankaso yethu. Minyaka yonke sisebenzisana nabemiphakathi yezenkolo ekudluliseni imiyalezo yezokuphepha emgwaqweni.

kusho uCele. Bekunemikhakha ehlukahlukene obekuwinwa kuyo imiklomelo njengowomqambi wengoma noma umbhali evelele, nowathathwa yiRivers of Joy. Eminye yemiklomelo ehlonyulwe ngabebengenele kube yithuba lokuthola inkontileka yokuqqophaphakathi enkampanini yomculo enkulu. Lo mklomelo uwinwe yi-African Salvation;

EZOKUPHEPHA EMGWAQWENI

Asiphephe! Ukufa koyedwa kungukufa kwabanningi



1. UNGqongqoshe wezoku Thutha kuzwelonke uMnu. Jeff Radebe unikeza izindebe uMnu. Chris Hlabisa kanye namaphoyisa omgwaqo KwaZulu-Natal ngemuva kokudla umhlanganiso emcimbini obuse Bloemfontein.

- 2. Izingane zekole ezahlukene zithole ithuba lokwazi ngokusebenza koMnyango wezokuThutha ngenkathi kunohlelo iTake a girl child to work. Lapha bezihamba noNgqongqoshe uCele neNhloko yoMnyango uChris Hlabisa.**

- 3. UNgqongqoshe uCele uphuma ebhasini abelihlola
ngemuva kwenhlekelele
yengozi elimaze abaningi ePinetown muva nje. Olinde
ngaphandle yiNhloko
yoMnyango uChris Hlabisa**

- 4. Isale isinjena itekisi etholane phezulu neloli eDundee kwasala abangu-15 enkundleni.**

- 5. INhloko yoMnyango uChris Hlabisa inika uSilindile Zulu izimbali zokumduduza kulandela ukulimala engozini yomgwaqo ebula le abangu-8 phakathi koLundi neVryheid.**

- 6. Ilungu lomndeni olahlekelwe isihlobo engozini yaseDundee edlule nemiphefumulo engu-15.**

- 7. Kube umunyu wodwa ngenkathi sekukeliswe amabhokisi omgcwabo wabantu abangu-8 abashone engozini yomgwao eSawoti ogwini oluseningizimu.**

- 8. UNgqongqoshe uBheki Cele ubedlulisa umyalezo wezokuphepha emgwaqeni phambi kwezinkumbi zabathandi benjabulo eRoyal Show Ground eMgungundlovu**

- ## **9. Beso kushubile lapha uNgqongqoshe uBheki Cele esekhulekelwa ngabefundisi ngenkathi ehambele elinye lamabandla ngezinkonzo zePhasika**

